

女讚歎如來 真實無差異 我等聞歎已  
即發最勝心 求無上菩提 我聞佛名故  
於宿業得悟 即來禮救世 爲求勝法故  
見佛禮敬已 聞最無上法 見人中尊仙  
求離諸苦際 佛之所說法 真實能度世  
我等於中學 爲無上法故 聞菩薩所行  
爲得佛法故 我等亦應習 爲得佛道故  
說出要道門 菩薩所應行 我亦趣此門  
爲世所敬禮 佛知彼誠心 熙怡而微笑  
阿難即白佛 願說笑因緣  
尔時佛以偈告阿難曰  
此諸婆羅門 及梵志梵天 同共一劫中  
次第成正覺 曾於過去世 具供五百佛  
從今以涉行 當見億數佛 於八十億劫  
終不墮難處 於一一劫中 當觀億數佛  
然後乃當成 最勝兩足尊 皆當同一號  
號曰梵光明 壽命亦同等 寿八十億歲  
刹土皆同等 各八十億僧 化度無量衆

利益衆生已 當入於泥洹 證寂靜滅度  
佛說經已無垢施菩薩摩訶薩及諸大眾梵  
天梵志等五百菩薩大士波斯匿王諸大聲  
聞弟子諸天八部人及非人聞佛所說皆大  
歡喜

### 大寶積經卷第一百

二十三末

陳莘

制十

大寶積經卷第一百 大唐三藏菩提流志奉 詔譯  
功德寶花敷笠蘚會第三十四  
如是我聞一時佛在王舍城耆闍崛山與大  
比丘衆千二百五十人俱復有無量諸菩薩  
衆爾時會中有菩薩名開敷功德寶花即從

坐起偏袒右肩右膝着地合掌向佛而作是  
言世尊我於如來欲有詣問唯願哀愍見垂  
聽許佛告功德花菩薩言善男子恣汝所問  
當為汝說余時功德花菩薩白佛言世尊十  
方世界頗有現在諸佛如來若善男子善女  
人等受持名號遠離證得阿耨多羅三藐三  
菩提不佛言善哉善哉功德花汝今為欲利  
益安樂天人世間及未來世諸菩薩等問於  
如來如是之義諦聽善思念之當為汝  
說功德花言唯然世尊極樂欲聞余時佛告  
功德花菩薩言善男子東方有世界名一切  
法功德莊嚴劫多普集一切利益彼現有佛  
号無量功德寶莊嚴威德王如來壽命無數  
其佛衆會無量無邊皆是清淨諸大菩薩若  
有淨信善男子善女人受持彼佛名者即能  
減除六十劫生死之罪轉身得陀羅尼名  
為樂說無礙凡所說法常為十俱胝利諸佛  
世尊授以辯才今得無畏余時世尊而說偈言

若人受持彼佛名  
亦能成就餘勝法  
復次功德花南方有世界名功德寶莊嚴劫  
名廣大功德彼現有佛号功德寶莊嚴劫  
德王如來若有淨信善男子善女人受持彼  
佛名者轉身當得日輪光明遍照三昧於諸佛  
刹隨願往生亦當攝受無量功德莊嚴佛土  
生彼刹口真三十二相獲無礙辯才轉身當得  
阿耨多羅三藐三菩提余時世尊而說偈言  
若人受持彼佛名  
三十二相以莊嚴  
復次功德花西方有世界名離一切愛闇劫  
名能勝王彼現有佛号一切法殊勝辯才莊  
嚴如來若有淨信善男子善女人受持彼佛  
名者毒不能害刀不能傷火不能燒水不能  
溺捨此身已當受化生獲陀羅尼名為百旋  
余時世尊而說偈言  
若人受持彼佛名  
水火刀毒無能害

轉身當受化生報

成就百族陀羅尼

獲不思議勝功德

若人受持彼佛名

女人當得丈夫身

彼常見於無量佛

女人當得丈夫身

復次功德花北方有世界名離塵闇劫名持大名稱彼現有佛号積集無量辯才智慧如來若有淨信善男子善女人受持彼佛名者則爲奉事六十俱胝那由他佛得過一切處陀羅尼無量藏陀羅尼乃至未成無上菩提

終不更入三惡趣中常得往生諸佛刹土修菩薩行度脫無量惡趣衆生當於阿彌多羅三藐三菩提得不退轉爾時世尊而說偈言  
若人受持彼佛名  
所獲功德無有邊  
決定當得陀羅尼  
成就無上菩提果  
復次功德花東南方有世界名勝妙莊嚴劫

一切衆生三昧何故名爲度脫一切衆生三昧若善男子善女人依此三昧演說法時能令三千大千世界之中惡趣衆生悉皆解脫得生人天普獲安樂決定當得阿彌多羅三藐三菩提猶如悅意如來刹中所有衆生常受安樂爾時世尊而說偈言

名出生功德彼現有佛号千雲雷吼聲王如來若有淨信善男子善女人受持彼佛名者轉身得佛四無所畏四種神足大慈大悲十八不共法所得國土功德莊嚴亦如西方極樂世界無有異也若有女人能受持者皆悉轉為丈夫之身余時世尊而說偈言

若人受持彼佛名

所生常具大威德

諸根色力皆殊勝

智慧無邊無所著

復次功德花西北方有世界名爲離垢劫名廣族彼現有佛号種種勝光明威德王如來若有淨信善男子善女人受持彼佛名者轉身得無量辯才莊嚴陀羅尼悉能受持八十

俱胝如來所說之法所得國土功德莊嚴亦如西方極樂世界無有異也。爾時世尊而說偈言：若人受持彼佛名，成就甚深諸法智。

復次功德花東北方有世界名曰無憂劫名，辯才莊嚴彼現有佛号無數劫積集菩提如來若有淨信善男子善女人受持彼佛名者，即為供養八十俱胝諸佛世尊轉身具足六十種言音辯才爾時世尊而說偈言：

若人受持彼佛名

如供八十俱胝佛

智慧無邊到彼岸

復次功德花上方有世界名無量功德莊嚴

威德劫名無量吼聲彼現有佛号虛空吼聲淨妙莊嚴光明照如來若有淨信善男子善女人受持彼佛名者所生之處種族尊豪識性聰慧善能通達世俗文詞凡所發言人皆信受於諸地中具足清淨戒定智慧解脫解脫知見獲宿命智得五神道亦當得佛十八不共速

成阿彌多羅三藐三菩提爾時世尊而說偈言：若人受持彼佛名，所生未曾離諸佛具足八種梵音聲，速證無上菩提果。

復次功德花下方有世界名種種音聲劫名，積集智慧彼現有佛号一切法門神變威德光明照耀如來若有淨信善男子善女人受持彼佛名者轉身得陀羅尼名成就正覺當能受持九千俱胝諸佛如來所說之法一生當得阿彌多羅三藐三菩提爾時世尊而說偈言：

若人受持彼佛名，受持無量諸佛法，得成正覺陀羅尼。一生當證大菩提。

一、爾時開敷功德寶花菩薩及一切功德辯才音菩薩得陀羅尼門八萬俱胝善薩皆悉趣向無上菩提得不退轉三那由他諸天及人發阿彌多羅三藐三菩提心佛說此經已功德花菩薩及一切世間天人阿脩羅乾闥婆等聞佛所說皆大歡喜信受奉行。

大寶積經卷第十五  
流傳書記譯

如是我聞一時佛在舍衛國祇樹給孤獨園與大比丘衆一千人俱菩薩摩訶薩十千人并欲色界諸天子等是時文殊師利菩薩摩訶薩與善德天子俱在會中爾時世尊告文殊師利汝當爲此諸天大衆及諸菩薩演說諸佛甚深境界文殊師利白佛言唯然世尊

若善男子善女人欲知佛境界者當知非眼耳鼻舌身意境界非色聲香味觸法境界世尊非境界是佛境界以是義故如佛所得阿繹多羅三藐三菩提爲何境界耶佛言空境界諸見平等故無相境界一切相平等故無願境界三界平等故無作境界有作平等故

無爲境界有爲平等故文殊師利言世尊何等是無爲境界佛言無念是無爲境界文殊師利言世尊若無爲等是佛境界爲無念者依何而說無所依故則無所說無所說故則不可說世尊諸佛境界不可說也佛言文殊師利佛境界當於無何求曰於一切衆生煩惱

中求何以故衆生煩惱性不可得非聲聞緣覺之所能智是則名爲諸佛境界佛言文殊師利佛境界有增減耶曰無增減也佛言云何了知一切衆生煩惱本性曰如佛境界無有增減煩惱本性亦無增減佛言云何名爲煩惱本性曰煩惱本性是佛界本性世尊若

煩惱性異佛境界則不說佛住一切法平等性中以煩惱性即佛界性故說如來住平等性又問汝見如來住任何平等曰如我所解衆生現行貪瞋癡者所住平等爲如來住佛言衆生現行三毒煩惱住何平等答曰住空無相無願平等性中佛言文殊彼性空中云何復有貪瞋癡耶文殊師利言於彼有中有性空處有貪瞋癡佛言於何有中說有性空曰於文字語言中說有性空有性空故有貪瞋癡如佛所說諸比丘有無生無爲無作無起若無生無爲無作無起不有者亦不可說有生有爲有作有起是故比丘以有無生及無

所起由此得說有生有起如是世尊若無性空無相願則不可說貪瞋癡等一切諸見佛言文殊師利以是義故如汝所說住煩惱者是住性空文殊師利言世尊若觀行者離於煩惱而求性空則不相應云何別有性空異於煩惱若觀煩惱即是性空爲正修行佛言

文殊師利汝住煩惱離煩惱耶文殊師利言所有煩惱悉皆平等如是平等我正修行入此平等則不離煩惱不住煩惱若沙門婆羅門<sup>謂離欲</sup>見他煩惱彼隨二見云何二見謂有煩惱名爲常見謂無煩惱名爲斷見世尊正修行者不見自他有無之相何以故明了一切法故佛言文殊師利依何正修行曰正修行者爲無所依佛言不依於道而修行耶曰若有所依而修行者則是有爲若行有爲則非平等所以著何不離生住壞故佛言文殊師利無爲中願有數耶文殊師利言世尊若無爲有數即是有爲非謂無爲佛言若

聖者得證無爲則有此法寧無數耶曰法無數故聖遠離數爲無數也佛言文殊汝證聖法爲不證耶文殊師利言世尊若問化人汝證聖法爲不證者彼云何答佛言文殊夫化人者則不可說有證非證文殊師利言佛豈不說一切諸法皆如化耶佛言如是如是曰若一切法皆如化者云何問言汝證聖法爲不證也佛言文殊汝於三乘證何平等曰佛界平等我如是證佛言汝得佛境界耶曰若世尊得者我亦當得爾時尊者須菩提語文殊師利言如來不得佛境界耶文殊師利言汝於聲聞境界有所得耶須菩提言聖者解脫非得非不得曰如是如是如來解脫亦非有境界非無境界須菩提言文殊師利汝不將護新發意菩薩而演說法文殊師利言須菩提於意云何若有醫人將護病者不與辛酸苦澀等藥而彼醫人於彼病者爲與其差

文殊師利無爲中願有數耶文殊師利言世

尊若無爲有數即是

有爲非謂無爲佛言若

殊師利言其說法者亦復如是若將護於他  
悲生驚怖隱覆如是甚深之義但以難句綺  
飾文辭而為演說則授衆生老病死苦不與  
無病安樂涅槃說此法時五百比丘不受諸  
法漏蓋意解八千天人遠離塵垢於諸法中  
得法眼淨七百天子發阿耨多羅三藐三菩提  
提心作是願言我等於未來當如文殊師  
利得是辯才羸時長老須菩提語文殊師利  
言汝豈不以聲聞乘法為聲聞說耶曰一切  
乘法是我所乘須菩提言汝為是聲聞為辟  
支佛為應正等覺耶曰我為聲聞不因他聲  
而生解故我為辟支佛不捨大悲無所畏故  
我為應正等覺不捨本願故須菩提言汝云  
何作聲聞曰後諸衆生未嘗聞法令得聞故  
我為聲聞又問汝云何為辟支佛曰衆生法  
界令信令覺是故說我為辟支佛又問汝云  
何為應正等覺曰一切諸法法界平等如是  
了知是故我為應正等覺須菩提言文殊師

利汝決定為住何地曰住一切地須菩提言  
汝豈亦住凡夫地耶文殊師利言我亦決定  
住凡夫地須菩提言汝何密意作是說乎曰  
一切諸法自性平等故說如是須菩提言若  
一切法皆悉平等當於何所建立諸法此聲  
聞地辟支佛地菩薩佛地耶文殊師利言辟  
如十方虛空界中說言此是東方虛空南西  
北方四維上下亦如是說如是言說種種差  
別非於虛空而有異也是故仁者依一切法  
畢竟空中建立種種諸地之相亦非空性而  
有差別須菩提言文殊師利汝已證入正性  
離生耶曰我已證入而亦復出須菩提言云  
何證入而後還出文殊師利言仁者當知此  
是菩薩智慧方便於正性離生如實證入方  
便而出須菩提言如有人善於射術有一怨  
敵念欲害之射師有子憐愛甚重時彼愛子在  
曠野中其父謀謂是所然隣放箭射之子便  
大喚言我無咎何為見害時彼射師有遠疾

方急往子所却取真前菩薩亦復如是爲調伏聲聞辟支佛故入正位還於後出不墮茲身聞辟支佛地以是義故名爲佛地須菩提言云何菩薩而得此地文殊師利言若諸菩薩住一切地而無所住爲得此地若一切地悉能演說而不住於下劣之地爲得此地若有

修行爲盡一切衆生煩惱而法界無盡雖住無爲而行有爲爲於生死中如圓鏡想不灭涅槃爲得此地所有志願悉令圓滿得無我忍成無衆生爲得此地得佛智慧而不於彼無智人所生瞋恨心爲得此地爲求法者轉於法輪而於法界亦無差別如是修行爲得此

地復次若諸菩薩摧伏魔然而現作四魔爲得此地須菩提言文殊師利比菩薩行一切世間甚爲難信文殊師利言如是如是如是說是諸菩薩行於世間超過世法須菩提言文殊師利當爲說此超過世間文殊師利言夫世間者名爲五蘊於此蘊中色聚沫性

受水泡性想陽炎性行芭蕉性識幻性如是當知世間本性衆沫陽炎泡幻芭蕉是中無蘊無蘊無蘊名字無衆生無衆生名字無世間超過世間若於五蘊如是正知名爲勝解若正勝解則本來解脫若本來解脫則不著世法若不著世法則超過世間復次須菩提五蘊本性空若本性空則無我我所若無我我所是則無二若本無二則無取捨無取捨故則無所著無所著故則超過世間復次須菩提是五蘊者屬於因緣若屬因緣則不屬我不屬衆生若不屬我不屬衆生是則無主無主則無取無取則無諍無諍論者是沙門法如子晝空無有觸礙修行如是空平等性超過世間復次須菩提五蘊法界同入法界是則無界若是無界則無地界水火風界無我無衆生無壽命無欲界及色無色界無有爲無爲生死涅槃界入是界已則與世間俱而無所住若無所住則超過世間說此超過

世間法時二百比丘不受諸法漏盡意解各  
各脫離多羅僧衣以覆文殊師利作如是言  
若不於此法門生信解者彼無所得亦無所  
證余時須菩提告彼諸比丘言長老汝等少  
有所得有所證即諸比丘言若增上慢者則  
可說言有得有證無增上慢沙門法者無得  
無證彼於何處生比動念而自謂言我如是  
得我如是證若於其中有動念者則是魔業  
須菩提言長老汝如汝所解何得何證作是說  
乎諸比丘言唯佛世尊及文殊師利知我所  
得知我所證大德如我所解若不了知苦相  
作是說言苦我應知為增上慢如是集應斷  
滅應證道應修為增上慢彼不了知苦集滅  
道相故作是說言乃至道我已脩為增上慢  
云何苦相謂無生相如是集滅道相若無生  
相印是無相無所得於其中無有少苦可知  
集可斷滅可證道可修若於此說聖諦義中  
不驚不怖不畏者非增上慢若生驚怖為增

上慢爾時世尊讚彼諸比丘言善哉善哉告  
須菩提此等比丘於迦葉佛法中曾聞文殊  
師利演說如是甚深之法此等比丘性昔修  
行是深法故今聞隨順速能了知如是次第  
於我法中聞是深法生信解者一切當於彌  
勒法中得入衆數尔時善德天子白文殊師  
利言仁者於此闍浮提中數數說法我等願  
請仁者往兜率陀天彼諸天子亦有久道廣  
大善根彼若聞法則應解了以著樂故不能  
來至佛所聽法而自損減爾時文殊師利即  
現神變令善德天子及一切衆會皆悉自謂  
入兜率陀天宮見彼園林宮殿樓觀欄楯窓  
牖間錯莊嚴其諸室臺層級高廣至二十重  
衆寶網幔天花遍布異類衆鳥翔集和鳴於  
虛空中有諸天女散曼陀羅花歌舞讚歎遊  
戲快樂善德天子見是事已白文殊師利言  
希有文殊云何我等如是遠疾已到兜率陀  
天宮見此園林及諸天衆文殊師利願為說

法爾時長老須菩提告善德言天子汝不離會中而往餘處是文殊師利神通變化令汝自見入兜率天宮尔時善德天子白佛言希有世尊文殊師利遊戲三昧神通變化於一刺那中示現此會悉入兜率天宮佛言天子汝於文殊師利神通變化豈是見耶如我所知文殊師利若欲以恒河沙等諸佛利土功德莊嚴集一佛國悉皆能現或以指端舉恒河沙諸佛利土過於上方如恒河沙諸佛土已置於虛空又諸佛利所有四大海水入一毛孔水性衆生亦不迫迮而皆自見不離海中所有世界諸須彌山王皆悉置於芥子之內依湧涌住諸天子等而皆自謂在其本宮又諸佛利所有五道衆生悉皆安置於其掌中衆妙資具猶如一切樂莊嚴國咸令得見又諸世界所有火聚悉皆安置一兜羅中復次諸佛世界所有日月於一毛孔悉能覆蓋隨應所作威皆作之爾時惡魔化作比丘白

佛言世尊我等欲見文殊師利現前作此神通變化何用如此虛誕之言一切世間所不能信爾時世尊告文殊師利言汝當於此衆會示現神變爾時文殊師利不起于座入心自在一切法莊嚴三昧于時如佛所說神通變化皆悉示現魔與衆會及善德天子一切皆見爾時大衆見此神變歎未曾有作如是言善哉善哉由佛出現有此正士於世間中聞是法門現諸神變爾時惡魔以文殊師利威神力故作如是言希有世尊文殊師利有此神通今此衆會亦為希有於文殊師利神通變化而得信解世尊設有如恒河沙等諸魔不能於此信解善男子善女人而作留難我亦惡魔波旬恒來佛便惱亂衆生我從今往自立誓願若於此法門流行之處有生信解發樂受持讀誦演說於四面百由旬外不於中過世尊然我眷屬有破斷滅如來法故令修行者其心散亂我為降伏說陀羅尼若

善男子善女人於此法門書寫讀誦為人演說諸天魔衆當得善利令說法者身心悅豫精勤修習與無礙辯才及陀羅尼承事供給衣服飲食財具湯藥令無所乏即說呪曰怛姪他一 阿末麗二 比末麗三 替哆四 𩵠五 獨擗五 是多設堵六 誓言曳杜野篋七 部多薩佶飴米麗八 嘴伍九蘇普十 普善細十一 地唎蘇漢十二 惟提十三 可詣十四 末洗禮十五 央矩嚴跋麗十六 呼盧忽黎十七 索醯十八 輸成十九 不提地唎二十 阿那篋底底使唵泥二十 吃利支唎二十一 吃喇多費二十二 費伍盧遮二十三 那嚮嚮惄馳那駁路迦二十四

三十 阿<sub>吉</sub>聲跋羅目多<sub>吉</sub>薩唎耶二十五

廿尊若善男子善女人專精受持此陀羅尼心不散亂常為諸天龍神夜叉乾闥婆阿脩羅迦樓羅等那羅摩<sub>吉</sub>羅伽等之所守護一切惡鬼無能得便彼魔波旬說此呪時三千大千世界六種震動爾時世尊告魔波旬善

哉善哉汝之辯才當知皆是文殊師利神通境界於是文殊師利現神通力及魔波旬說呪之時三萬二千天人發阿耨多羅三藐三菩提心時文殊師利還攝神力令此衆會皆悉自見一如本而住尔時文殊師利告善德天子言善男子汝往兜率陀天遍告天衆言我當

來彼時善德天子聞是語已禮世尊足并諸菩薩大德聲聞與其眷屬恭敬圍遶於衆會前忽然不現須臾已至兜率陀天爾時善德遍告諸天子言汝等應知文殊師利憐愍汝故欲來至此汝等應當捨諸欲樂遠離憍慢恭敬尊重隨順聽法爾時善德天子如所應辦莊嚴道場即便合掌作如是言文殊師利今正是時於是文殊師利與一萬六菩薩五百聲聞及天龍夜叉乾闥婆等前後圍遶禮佛足已於會中沒現兜率陀天與諸菩薩聲聞大衆於彼道場隨數而坐時諸大衆悉聞四天王宮三十三天夜摩兜率及以化樂他

化自在諸天子等魔衆梵衆乃至有頂互相唱言文殊師利今在兜率陀天方欲說法諸天聞已無數百千皆來集會盡此欲界天宮所不容受時文殊師利即以神力令彼諸天自見寬廣不相妨礙尔時善德天子白文殊師利言大眾已集願為說法文殊師利告善德天子言有四種法菩薩住於不放逸者則能攝取一切佛法何等為四一者住於戒律而具多聞二者住於禪定而行智慧三者住於神通而起大智四者住於寂靜而常觀察夫子有八種法入於戒律何等為八一者身清淨二者語清淨三者意清淨四者見清淨五

六者頭陀功德清淨六者命清淨七者捨離一切詐現異相以利求利清淨八者不捨一切智心清淨具名八法入於戒律天子復有八法入於多聞何等為八一者尊重二者下心三者發起精進四者不失正念五者隨聞受持六者心善觀察七者如聞轉教八者不自讚毀他是名八法入於多聞天子復有八法入於禪定何等為八一者寂靜住阿蘭若二者捨離憒鬧三者不染境界四者身心輕安五者心緣定境六者絕諸聲相七者減食支身八者不取聖樂是名八法入於禪定天子復有八法入於智慧何等為八一者薦善巧二者界善巧三者趣善巧四者緣起善巧五者諦善巧六者三世善巧七者一切乘善巧八者一切佛法善巧是名八法入於智慧天子復有八法入於神通何等為八一者天眼通見無鄣礙故二者天耳通聞無鄣礙故三者他心通觀一切衆生心故四者宿命通憶念前際故五者神足通示現一切神變故六者漏盡通盡一切衆生漏故七者不住煩惱不求解脫方便力故八者不依聲聞解脫而入涅槃是名八法入於神通復有八法能入於智何等為八一者苦智二者集智三者滅智四者道智五者因智六者緣智七者三世

智八者一切智是名八種復有八法入於寂靜何等為八一者內寂靜二者外寂靜三者受寂靜四者東寂靜五者有寂靜六者生寂靜七者一切煩惱寂靜八者三界寂靜是名八法復有人法入於觀察何等為八一者戒二者聞三者禪定四者智慧五者神通六者

智七者寂滅八者不放逸天子是名八法菩薩安住不放逸故諸佛菩提及菩提分法一切當得是故天子應當依是不放逸住汝等天子依不放逸則三種樂常不損減何等為三一者天樂二者禪樂三者涅槃樂復次諸天子依不放逸住者得離三苦何等為三所謂行苦苦壞苦又不放逸者超三種畏何等為三所謂地獄餓鬼畜生又不放逸者得超三有何等為三所謂欲有色有無色有後次諸天子依不放逸住者得離三垢何等為三所謂貪垢瞋垢痴垢又不放逸於三學處當得圓滿何等為三所謂增上戒增上心增上

慧不放逸者常得親近供養三寶何等為三所謂佛寶法寶僧寶復次依不放逸住者得離三種波羅蜜即何等為三一者自性二者於行施人、心生憎嫉、三者隨順憚人自破戒憎嫉持戒者隨順破戒今日瞋憎嫉忍辱者隨順瞋恚人自懈怠忘憎嫉精進者隨順懈怠

人自散亂憎嫉禪定者隨順散亂人自無智慧憎嫉智慧者隨順無智人汝等諸天子是名依不放逸住者當得遠離三波羅蜜障復次諸天子依不放逸住者當得三種波羅蜜伴助何等為三所謂施增長不求果報迴向菩提戒增長不求生天迴向菩提忍辱增長於一切衆生不生害心迴向菩提精進增長種種善根無有敗足迴向菩提禪定增長心不散亂迴向菩提智慧增長常修善業迴向菩提是名依不放逸住得此波羅蜜三伴助是故諸天子住不放逸增長一切善法佛所印可復次一切法如虛空是四正勤應當觀

察何等為四所謂諸法無作未生不善法為不生故發起精進法性清淨已生不善法為除滅故發起精進諸法寂靜未生善法令得生故發起精進一切法無處無行已生善法住不失故發起精進天子是諸菩薩四正勤佛所印可復次諸天子法性平等無生無滅

依此法性無所得故不作諸惡順法性故勤脩衆善如是修者為無所修復次於一切法不取不捨是名正勤復次諸天子應觀四念處所謂無身住處無受住處無心住處無法住處無住處無建立處是名念處復次應觀四如意足一者身心不懈樂修善法故二者為成熟一切衆生發起精進斷貪欲故三者一切法不可得而證諸佛法故四者心如幻化法無所依超過一切取著故復次應觀五根一者信根決定安住於諸法中為上首故二者精進根遍修諸行成就佛身故三者念根具足諸法心善調柔無忘失故四者定根

遠離攀緣不隨昏睡故五者慧根決斷諸法正觀現前不隨他故何謂諸力所謂安住如是諸法性中一切煩惱無能沮壞是名為力住是力故便得勝法如實了知非異非如說名覺分若於諸法隨順覺了由是道故次第修行通達秘密於法不動說名聖道是故諸

天子應如是修三十七品菩提分法出過諸行無復障礙智慧熾然究竟寂靜云何名為寬竟寂靜謂諸法無起亦無所盡無所盡故則無所作無所作故亦於無作無受無受者無施設是名究竟寂靜說此法時一萬二千天子於諸法中得法眼淨余時善德天子白文

殊師利言菩薩云何修習於道文殊師利言天子若諸菩薩不捨生死而令衆生入於涅槃不捨愛取而拔出衆生令立聖道是名菩薩脩習於道復次天子脩習道者善巧安住清淨性空何以故菩薩以寂靜心見一切法自性清淨為諸衆生樂著諸見安住隨眼無

方便者演說諸法自性空義我所以者何是諸衆生於自性空中而生見故是菩薩以無相無願無所作一切法自性不生爲諸凡夫父習煩惱生滅見者於此無生令得信樂而於生滅亦無所動天子是名菩薩脩習於道復以天子應見菩薩來之道諸天子言文殊

師利云何菩薩來之道文殊師利言天子菩薩證菩提而去如應說法而來得諸禪解脫而去現生欲界中來入於聖道故去大悲成熟衆生故來得無生法忍而去忍受衆生故來於一切法出離故去拔出衆生故來願堅固而去誓願無自性而來三解脱門而去故受生而來菩提道場故去爲安立衆生於菩提故來天子是名諸菩薩來之道說此菩薩道時五百菩薩得無生法忍余時善德天子白文殊師利言我等曾聞有世界名一切功德光明爲在何處何等如來於中說法文殊師利言天子彼一切功德光明世界

在於上方過十二恒河沙佛刹普賢如來於中說法諸天子言我等願欲見彼世界及彼如來余時文殊師利即入光明莊嚴三昧以三昧力放大光明過十二恒河沙佛刹遍照一切功德光明世界時彼菩薩問此光明從何所來彼佛告言善男子下方過十二恒河沙佛刹有世界名婆婆波土有佛名釋迦牟尼如來應正等覺在世說法彼有菩薩名文殊師利入光明莊嚴三昧放大光明遍照十方無量佛刹是其光明來照此會彼諸菩薩即白普賢如來我等願見釋迦牟尼世尊及文殊師利菩薩時普賢如來放大光明照十二恒河沙佛刹至娑婆世界令彼菩薩分明見此菩薩衆會時彼世尊告諸菩薩誰能往彼娑婆世界余時持法炬菩薩摩訶薩白佛言世尊我能往彼娑婆世界佛言今正是時余時持法炬菩薩與十億諸菩薩俱於彼國沒現光率陀天放大光明遍照世界時諸天

龍夜叉乾闥婆阿脩羅迦樓羅緊那羅摩睺羅伽釋梵護世諸天子等及諸聲聞菩薩大衆得未曾有作如是言此諸菩薩遊戲神通甚為希有爾時衆會因此光明見一切功德光明世界及見普賢如來國界莊嚴於一劫中說不能盡當此文殊師利現神變時七那

由他諸天子等發阿耨多羅三藐三菩提心爾時持法炬菩薩白文殊師利言可共禮覲

釋迦如來時文殊師利於彼天子應可度者皆悉度已與持法炬諸菩薩衆及大聲聞天龍夜叉乾闥婆等往詣佛所到已頂禮佛足却住一面爾時持法炬菩薩白佛言世尊普

長老阿難一切世間天龍軒闔婆阿脩羅等聞佛所說皆大歡喜

### 大寶積經卷第一百一

文項大刊

大宋國平江府崑山縣市邑進賢橋西水南面居住奉  
三寶弟子范致同男應成施財命工刊造  
寶積經一卷集茲善吉利次貞薦  
范氏門中祖禪宗親闔屬神儀仗此勝因超升淨域  
紹定四年七月解制日范顯題

### 大寶積經卷第一百二

隋三藏達摩笈多譯

文二

賢如來問訊世尊少病少惱起居輕利安樂行不爾時世尊告彼諸菩薩言善男子此文殊師利及持法炬正士神通變化智慧光明威熾衆生奉事諸佛一切菩薩不能知其智慧方便深入邊際汝善男子應當學此文殊師利及持法炬正士并諸菩薩所有神通辯才

方便深入邊際汝善男子應當學此文殊師利及持法炬正士并諸菩薩所有神通辯才